

TULAFONO TAU FAAOFI O TEUTEUGA O LE FAAVAE (Nu. 2) 2018

SAMOA

Faamatalaga e Faamalamalama ai

Faatomuaga:

Ua taumafai le Tulafono Tau Faaofi e teuteu le Faavae o le Malo Tutoatasi o Samoa 1960 ("Faavae").

O lenei teuteuga ua aiaia ai mo se toefuataiga e ogatasi ma le fuataiga o le Faamasinoga o Fanua ma Suafa ma faapena foi ma isi ia toefuataiga na saunia e le Matagaluega o Faamasinoga ma Pulega Tau Faamasinoga ia o le a tuuina atu faatasi ma Tulafono Tau Faaofi i le maea ai o lenei teuteuga.

O le faamoemoe o le Tulafono Tau Faaofi o le tuuina i ai faatasi o ni sui faaopoopo se toatolu (3) i le Komisi o Galuega Tau Faamasinoga, e ala i le teuteuina o le Mataupu 72 o le Faavae, ma faapena foi ona avanoa ai isi faatonuga i le Tulafono, o faagasologa o galuega a le Komisi o Galuega Tau Faamasinoga.

Fuaiupu:

Fuaiupu 1: - ua aiaia ai mo le igoa puupuu ma le aso e amata faamamaluina ai le Tulafono Tau Faaofi, lea o le a faia i le aso e tuuina i ai le malelega a le O Le Ao o le Malo.

Fuaiupu 2: - ua teuteuina ai le Mataupu 72 o le Faavae ia aiaia ai mo le faaopoopoina o ni sui se toatolu (3) i le Komisi o Galuega Tau Faamasinoga.



.....
(Hon TUILAEPA Auelua Fatialofa Lupesoliai Lolofietele
Neioti Aiono Galumalemana Dr. Sailele Malielegaoi)

PALEMIA

**TULAFONO TAU FAAOFI O TEUTEUGA
O LE FAAVAE (Nu. 2) 2018**

SAMOA

Faatulagaina o Aiaiga

1. Igoa puupuu ma le amataga
2. Ua teuteuina le Mataupu 72

2018, Nu.

O SE TULAFONO TAU FAAOFI UA TAU

O SE TULAFONO e teuteuina ai le Mataupu 72 o le Faavae o le Malo Tutoatasi o Samoa 1960 (“Faavae”) ma faamoemoega e fesootai i ai.

UA FAIA e le Fono Aoao Faitulafono a Samoa i totonu o le Palemene ua potopoto e faapea:

1. Igoa puupuu ma le amataga:

- (1) E mafai ona taua lenei Tulafono o le Tulafono o Teuteuga o le Faavae (Nu. 2) 2018.
- (2) O lenei Tulafono e amata faamamaluina i le aso e tuuina i ai le maliega a le O Le Ao o le Malo.

2. Ua teuteuina le Mataupu 72:

- (1) Ua teuteuina le Mataupu 72(1) o le Faave e faapea:
- (a) i totonu o le parakalafa (a), ia suia le upu “Peresetene” i le “Taitaifono”;
 - (b) e ala i le suia o le faailoga piriota o lo o i le parakalafa (c) i le faailoga semi kolona; ma
 - (c) faaofi i le tuanai ai o le parakalafa (c) o parakalafa fou nei:
 - “(d) o le Peresetene o le Faamasinoga o Fanua ma Suafa;
 - (e) o se Faamasino ua malolo litaea o le Faamasinoga Sili ua tofia e le O Le Ao o le Malo, i luga o le fautuaga a le Kapeneta; ma
 - (f) le Resitara o le Faamasinoga Sili, e avea ma failautusi o le Komisi o ia lea e lē tatau ona i ai ni aia e palota ai.”.
- (2) Ua suia le Mataupu 72(2) ma le (3) e faapea:
- “(2) E lē tatau ona faatino ni galuega a le Komisi o Galuega Tau Faamasinoga vagana ai ua auai ni sui se toatolu (3) ua tofia i lalo o le fuaiupu (1)(a) - (e), ma o mataupu uma ua faamoemoe e faia i ai le faaiuga a le Komisi, e tatau ona faia le faaiuga e ala i le palota a se vaega toatele o ia sui auai.
 - (3) I le noatia ma le fai fuafua i le fuaiupu (2), e mafai ona taloina se fonotaga a le Komisi o Galuega Tau Faamasinoga, e so o se sui, vagana ai le Resitara.
 - (4) O le malosiaga e tofia ai, siitia le tulaga tofi ma le siitia i se tasi vaega o so o se tagata o i ai se tofi faale-faamasinoga e ese ai na i le Faamasino Sili, ma faapea ai ma le faamaloloina o so o se tagata o i ai se tofi faale-faamasinoga, e ese ai na i se Faamasino o le Faamasinoga Sili, ua faapea nei ona faaee atu i le O Le Ao o le Malo, i le faia i luga o le fautuaga a le Komisi o Galuega Tau Faamasinoga e pei ona mafai ona aiaia ai e le Tulafono.”.
-